



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE

Broj: 01-GV-02-533/23
Sarajevo, 29.03.2023. godine

Na osnovu člana 31. stav (1) tačka b) i člana 77. stav (1) Statuta Grada Sarajeva („Službene novine Kantona Sarajevo”, broj 7/23), Gradsko vijeće Grada Sarajeva, na 26. sjednici održanoj dana 29.03.2023. godine, primilo je k znanju

Informaciju o poduzetim aktivnostima na prikupljanju pomoći za stanovnike zemljotresom pogođenih područja Turske i Sirije.

PREDSJEDAVALJUĆI GRADSKOG VIJEĆA

Jasmin Ademović, s.r.

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

Informacija
o poduzetim aktivnostima na prikupljanju pomoći za stanovnike zemljotresom
pogođenih područja Turske i Sirije

Sarajevo, mart 2023. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Nakon obavljene vijesti o zemljotresima koji su pogodili jugoistok Turske i dio Sirije, i gotovo potpuno razorili gradove u kojima je stradao veliki broj ljudi, gradonačelnica Sarajeva doc. dr. Benjamina Karić stupila je u kontakt sa čelnicima bratskih gradova i izrazila duboko žaljenje za izgubljenim životima i nadu za što brži oporavak svih povrijeđenih.

U ime Grada Sarajeva i svih njegovih građana, uz izraze najdublje i iskrene sućuti, u Ambasadi Republike Turske gradonačelnica se upisala u Knjigu žalosti.

U provođenju konkretnih aktivnosti na pomoći najugroženijim područjima, u koordinaciji sa Crvenim križem Kantona Sarajevo i konkretnim uputama o vrsti donacije koja se može prikupiti za nastradala područja, putem službene stranice www.sarajevo.ba objavljena je informacija da će se donacije prikupljati dana 11.02.2023. godine u vremenskom periodu od 09 do 13 sati.

Naime, Sarajevo je uvijek bilo uz svoje prijateljske gradove, čime se šalje snažna poruka solidarnosti i zajedništva, a tako je bilo i ovaj put. Odziv građana premašio je sva očekivanja i vrijeme prikupljanja donacija produžilo se do 17 sati istog dana. Tim za realizaciju ovih aktivnosti uredno je sortirao pristigle donacije, pakovao, obilježavao i vršio utovar u dva velika kombija i kamion. Istog dana u večernjim satima, sve pristigle donacije organizovano su prevezene u centralno skladište Crvenog križa koje se nalazi nadomak Vogošće u Dječjem domu.

Nadalje, Grad Sarajevo se uključio u akciju prikupljanja igračaka za djecu sa teritorija pogođenih zemljotresom u Republici Turskoj i Siriji, a donacija je dostavljena organizaciji Pomozi.ba dana 03.03.2023. godine, a navedena organizacija će izvršiti dostavu igračaka djeci potresom pogođenih područja.

Za izuzetan angažman dodijeljene su Plakete Grada Sarajeva, i to Federalnoj upravi civilne zaštite, Civilnoj zaštiti Kantona Sarajevo, Gorskoj službi spašavanja Novi Grad i Udruženju Pomozi.ba, za izuzetan doprinos u spašavanju nastradalih i organizaciji prikupljanja i distribuciji pomoći.

Za sve pripadnike civilne zaštite i gorske službe upriličen je prijem u Vijećnici, zajedno sa dječakom Benjaminom Mehanićem koji je vrijedno pripremao tople napitke i prikupljao pomoć za djecu Turske i Sirije.

Na poziv gradonačelnika pobratimskog grada Izmir, Tunc Soyer, gradonačelnica Benjamina Karić pridružila se medijskoj kampanji prikupljanja sredstava za zemljotresom pogođena područja.

U javljanju uživo za tursku Halk TV naglasila je podršku Sarajeva i Bosne i Hercegovine, ali i pozvala kolege gradonačelnike da se pridruže akciji. U akciji je učestvovalo 200 televizijskih kuća i 500 radiostanica. Do sada je prikupljeno preko pet milijardi dolara.

Na inicijativu uposlenica Gradske uprave, a uz saglasnost i punu podršku gradonačelnice, Grad Sarajevo će uzeti učešće u kampanji Crvenog križa FBiH „Niste same“ za žene i djevojke u Turskoj i Siriji. Donacije, odnosno higijenske kutije, prikupljat će se do 16. marta, nakon čega će iste biti predate u Crveni križ FBiH.

BHRT u četvrtak 16. marta 2023. godine od 20.00 sati realizuje Specijalni projekat u saradnji sa Pomozi.ba – prikupljanje novca za stradale u zemljotresima u Turskoj i Siriji.

U živom programu prikupljat će se novac za stradale u Turskoj i Siriji. U studiju će biti javne ličnosti iz zemlje i regiona i javljati se na humanitarne bojeve telefona, putem kojih će građani Bosne i Hercegovine donirati novac.

Tim povodom, gradonačelnica Sarajeva je pozvana da uzme učešće u tom projektu i da zajedno sa građanima da podršku stradalima, što je Grad Sarajevo svakako do sada i učinio.

Gradska uprava je u stalnoj komunikaciji sa članovima B40 Balkanske mreže, a nastavak pomoći, kao i posjeta bit će koordinirana sa upravama pobratimskih gradova u skladu sa mogućnostima Grada Sarajeva.